

經

籍

佚

文

史記伏文

漢 司馬遷撰

孟荀列傳

孟子幼孤而母教之以三遠十一
蓋問對

俊接十一經問對問孟子之父名何而其父則誰
氏也對曰俱未有攷史記本傳止載孟子云云

樂書

漢世祀土一以昏時祀到明

御覽

俊按歲時廣記十日御覽所載史記樂書云云今

史記無此文今御覽 部引樂書曰漢祠太乙
以昏時祀到明

史記異文

漢 司馬遷 撰

十一 窦成傳

竇成為漢中尉嚴酷時人語曰謹上操下如東灝薪

白帖卷
十六

俊按杜氏古謀謬曰案史記竇成傳云為人上
操下如東灝薪漢書竇成傳為人上操下急如
東灝均無時人語曰四字白帖所引疑是古本
也後謂時人語曰四字今佚

律曆逸文

吳江沈彤冠雲春秋左傳襄二十四年疏引漢書律曆志載劉
歆三統之術以為五月二十二分月之二十乃為一爻爻在望前
朔則日食聖則月食交在望後望則月食後月朔則日食交正在
朔則日食既前後望不食交正在望則月食既前後朔不食其文
如此而今律曆志並無此文不知何時逸去

王鳴盛十七史商榷
卷十一

漢書佚文

後漢 班固 楚

高昌性難伏乃作歌曰驢非驢馬非馬言高昌似驢
也
備覽九
百一

漢書佚文

漢班固撰

韓信贊曰淮陰毅毅仗劍周章南朝劉之遴所得古本

續漢書佚文

時聖公聚客家有酒請遊徼飲賓客醉歌言朝烹兩都
尉遊徼後來用調羹味遊徼大怒縛捶數百後漢書劉
覽八百四十八

李變拜京兆尹字浩御覽二百五十五增詔發西園錢變上封
事遂上不發吏民愛敬乃為此謠我府君道教舉恩
如春威如虎剛不如吐弱不如愛如母訓如父樂府詩集

右從杜氏古謠謗輯錄

三國志佚文

魏 陳壽 撰

魏志

張魯傳魯子名廣字嗣宗魯第二子也魯雅為魏武所寵諸子未勝禪並遣中使拜授官爵

御覽五百八十

蜀志

劉毅白攀等上言建安二十二年必有天子其方

御覽十五

後按先生傳二十五年前後上書者八百餘人

三國

志攷證曰前載一百二十八後二人及此六人而已

據御覽所載則今蜀志譏脫多矣

吳志

孫亮傳改元建興

御覽十八

俊按國志逸建興二字

丁奉俾魏將諸葛誕據壽春降文選辨亡論注

俊校讀書牘錄曰文選辨亡論丁奉離斐解圍走以
武毅稱李注引吳志曰魏將諸葛誕據壽春降魏人
圍之使奉與黎斐解圍奉為先登黎斐力戰有功拜
左將軍據此則志文魏大國之僉作魏人圍之而句

上尚脫魏將諸葛誕據壽春降九字至選注黎斐力
戰有功恐仍是屯于黎獎之誤何則力戰有功拜左
將軍者奉也非斐也

又梅錢氏諸史拾遺乃據元時本三國志作魏大將
軍諸葛誕據壽春來降魏人圍之辨今本魏大之下
竊脫十二字於是此句闕謬始得復全至屯於黎獎一
語王氏鳴盛十七史商榷云此作史者因黎斐無傳
故於丁奉傳中帶叙黎斐事俗刻誤衍屯於二字又
誤斐為獎並以黎獎為地名而力戰有功拜左將軍

者似皆為奉事矣豈知上文奉先為偏將軍冠軍將軍滅寇將軍封都亭侯又為虎威將軍封安豐侯何待此時拜左將軍乎

又按葉氏廷琯吹網錄卷一曰王氏此說誠足破孫氏之疑然余按孫綸傳云綸復遣吳率將軍丁奉黎斐等五萬人攻魏留船重於都陸異志黎漿通鑑載此事即用綸傳文胡注云據晉紀都陸在黎縣南又引水經注云芍陂瀆水東流注黎漿水

按水經注原文無此水當但作黎漿水

與下水字黃水東經黎漿亭南又東注肥水謂之黎漿口然

則黎漿實有此地名特是時屯於黎漿以下乃叙及黎斐力戰事今上下皆有脫文致此語遂成鴻突王氏但據選注奉為先登之下即倭黎斐力戰有功故指屯於二字為衍文漿字為斐譌實則辨上論此處本但云丁奉雖斐以武毅稱雜茶通鑑皓傳注引此論作鍾斐是沿因不離字誤加而不及朱異是以注引吳志此傳亦祇取叙奉斐力戰績處其餘多所刪節並知原文叙朱異屯於黎將軍語不正在所刪之內未可反援此以歎史文為誤也

晉書佚文

惠帝時洛陽童謠鄴中女子莫干妖前至三月抱胡牋明
年而胡賊石勒劉曜反 樂府詩集八十八

苻堅末年怠於為政趙整援琴作歌二章以諷昔聞明津
河千里作一曲此水本自清是誰亂使濁此園有叢樹布
葉垂重陰外雖多棘刺內實有赤心 又六十

溫嶠滅王敦先是童謠曰翦韭翦韭斷楊柳河東二字今
我與子以為賊如韭柳尋得復生也 御覽九百七十六

初童謠云古在左月在右讓去言或入言口古在左月在

右胡字也讓去言為襄也或入口為國也尋為石勒所都

又一百六十一

右從杜氏古謠謗輯錄

晉書佚文

王敬伯會稽餘姚人洲渚中昇亭而宿是夜月華露
輕敬伯撫琴而歌明日之女之靈告敬伯就體如平
生後婢二人敬伯撫琴而歌曰低頭下深幕府垂月
照孤琴空絃益宵深誰憐此夜心女乃和曰歌完轉
情復哀願為烟與霧氤氳同共懷御覽五百七十七

右從杜氏古謨謗輯錄

南史佚文

李延壽 楷

謝靈運曰天下才共一石曹子建獨得八斗我得一斗
自古及今共用一斗奇才博識安可繼也李義八許注

俊按南史無此語孫氏志祖曰唐以前書亦未見
有引及此者

南史佚文

殷禮字往嗣好學手不釋卷嘗從曲阿住反不知隣濟廣
狹及行旅喧鬧時人語曰奇才強記殷往嗣廣博物志之

右從杜氏古謠諺輯錄

北史佚文

李延壽撰

後魏廣平王懷傳

北史後魏廣平王懷嘗獵於河北馬場間逐一鹿入草
命人圍繞將自射之曰已先經燒不見其出遂失羣鹿
所在惟有塼塔存焉懷乃悵然動惻仁恕之心解鷹放
犬遂不復獵在豹古今注卷十九

北齊書佚文

祖珽字孝徵神情機警辭采藻邇與裴讓之並有令譽
為當時所推省中語曰多才多能祖孝徵能賦能詩裴讓
之廣博物志二十九

右据杜氏古謠謡輯錄

梁書佚文

楊華武都仇池人也少有勇力容貌雄偉魏胡太后逼通之華懼及禍乃率其部曲來降胡太后追思之不能已為作楊白花歌辭使宮人晝夜連臂踏足歌之聲甚悽婉按此下似當有具詞三字疑郭氏節引陽春二三月楊柳齊作花春風一夜入閨闥楊花飄蕩落雨家含情出戶腳無力拾得楊花淚沾臆秋去春來雙燕子願銜楊華入高麗

右從杜氏古謨謬輯錄

國語佚文

華岳當河河神鉅靈手盪腳踏開而為兩之

路史前紀三注

俊按路史鉅靈氏或云治蜀蓋以其迹蹠焉注曰

薛綜以鉅靈為河神蓋本水經所引謂國語云云

今國語無此文

戰國策佚文

豫讓聲累子之衣衣盡血

司馬貞索隱

呂不韋言周凡三十七王

又

白圭為中山將亡六城還拔中山

又

馬犯謂周君

又

馬犯謂梁王云王病愈

又

晉有大夫荀質

廣韻

羊子者著書顯名

又

安陵且雍門園中大夫藍詣

又

晉有亥唐

又

趙有大夫岸賓

又

訓門也

又

齊威王時有左執法公旗畚

又

驥仰而噴鼓鼻也

玉篇

涸若耶以取銅破惡山而出錫

太平御覽

廊廟之様非一木之枝先王之法非一士之智

又

晉大夫芸賢

元和姓纂

趙武靈王遊大陵夢處女鼓瑟春秋後語

平原君履者注云嬖寧跛之名

又

東城九門注云碣石山在縣界

後漢地理志

廉頗為人勇雋而好士

後漢第八贊

蘇秦為楚合從尤戎以鉄為齒長八寸一弩十矢俱發

戰

文類聚

楚人以弱弓微繳加錦鷹之上者

北堂書鈔

韓兵入西周令成君辨說秦求救

徐廣注史記

碣石九門本有宮室以居

張守節正義

羅尚見秦王曰秦四塞之險利於守不利於戰舊戰國策
蘇秦說孟嘗君曰秦四塞之國高誘注云四面有山關之
國故曰四塞之國也

李善注文選

俊按右從戰國策姚寬書後錄

國策俠文

豫讓斬裏子衣出血裏子回輪而亡

史記索隱

吳王問孫武曰敵人保山守險挑之不出奈何武曰分
兵守要謹備不懈潛探其情密候其怠久無所得自然
變改

家語佚文

觀周篇孔子將修春秋與左邱明棄如周觀書於周史
歸而修春秋之經邱明為之傳共為表裏左傳正義嚴氏
春秋引云云詩云維此四國爰究爰度糾政失其道而據萬乘之勢
四方諸侯固猶從之謀度於非道天所惡焉詩皇矣正
義

鯉魚其大盈車

列子湯問張良

俊後嚴氏春秋已佚僅引見於他書此係嚴氏所
見家語蓋非王肅所偽造者

山海經佚文

白澤能言語出東望山有德明照幽遠則至

通志一百

八十是蟲草木略獸類引之見山海經

果然獸似鶴獨狹以名自呼色蒼黑羣行老者在前少

者在後得果食輒與老者似有義焉交阯諸山有之

御

覽凡百十獸部

竹書佚文

晉 東晉 楊

晉出公六年晉荀侯城宅陽又梁惠成王元都師邯鄲
師于平陽水經注

穆公十一年取靈丘廣川書跋

與魏戰岸門史記卷本紀索隱

穆王見西王母西王母止之曰有鳥鶴人太子飲于溫山口考鳥注天子飲于溫
惠王後元十一年會平阿十三年會齊威王于甄史記五音

君傳索隱

齊桓公十年弑其君母宣王八年殺其王后又田完世
家宋隱

後按右從徐氏統芟條出

晏子佚文

齊侯見孟子于雪宮

元和郡縣志

俊案四書釋地曰元和郡縣志齊雪宮故址在青州臨淄縣縣即齊故都東北東里晏子春秋所謂齊侯見晏子於雪宮是也困學紀聞闕註今晏子春秋無此語元和郡縣志所引語何註案此則晏子春秋非完書矣孫壁文新義錄七曰孟子羞稱管晏茲以與民樂忽詳乃晏子對景公一段故實蓋亦以此地曾

為先齊君臣共游觀以近事為鑒則言易入耳

吳越春秋佚文

克聽四嶽之言用蘇修水蘇曰帝遭天灾廢黎不康乃築城造郭以為國固

初學記廿四御覽九十三

蘇築城以衛君造郭以居人

初學記廿四御守民

此城郭之始也

同上

楚王召風胡子而告之曰寡人聞吳有干將越有歐冶

寡人欲子請此二人作劍可乎風胡子曰可為往見二

人作劍一曰龍淵二曰太阿

史記蘇秦傳集解

闔閭死葬於國西北名虎邱穿土為川

吳郡志蓋作山積壤而

邱發五郡之士

藝文郡
志

十萬人共治千里使象連土鑿

池

襄寧記
引作捷上臨湖

四周水深丈餘銅椁三重湏水銀為

池

藝文湏
作領

池廣六十步黃金珠玉為鳧雁偏諸之鱗魚

腸三十在焉葬之已三日金精上揚為白虎據墳故曰

虎

藝文八
邱志三十九
吳郡

虎

邱志三十九
吳郡

棺

御覽八百十二
中湏池廣六丈

引金鴈玉鳧魚腸

之劍以送焉

御覽九十四
此句又見書

取土臨海潮千萬人築治之

御覽五百五十八
者互有刪節不可融會

此即上條之文而引

並存之

越王既棲會稽范蠡等曰臣竊見會稽之山有魚池上

下二處水中有三江四瀆之流九谿六谷之廣上池宜於君王下池宜於臣民畜魚三年其利可以致千萬越

國當富盈

藝文九十六御覽九百十五事類關注廿九

吳亡後越浮西施於江令隨鷗夷以終修文御覽引見

越王平吳後立賀臺於越

初學記廿四

文種者本楚南郢人也

此上依文選蒙士賦序注補

姓文名種字子

禽文選注荆平王時為宛令之三戶之里范蠡從犬賓

蹲而吠之從吏恐文種懾令人引衣而障之文種曰無

障也吾聞犬之所吠者人今吾到此有聖人之氣行而求之來至於此且人身而犬吠者謂我是人也乃下車拜蠡不為禮史記越世正義

蠡字少伯乃楚宛三戶人也

同上

文種荆平王時為宛令不治官職有若狂顛惟歎嗟也

抄本書鈔七十八吳王既殺子胥閩太宰曰子胥數以越諫遂

以喪身從死以來若有所亡今欲祠之何日可也曰三

月癸未可也

御覽五百廿六引佐二月癸未書鈔亦作二月

及夫差帥諸羣臣

出國東門祀子胥于江水之濱諸臣竝在夫差乃言曰

寡人蒙先王之遺恩為千乘之主昔日不聽相國之言乃用讒侮之辭至令相國遠投江海御覽五百廿六引作江濱自亡

以來蒙蒙惑惑如霧蔽日莫誰與言泣下沾衿哀不自勝左右羣僚莫不悲傷忽見樂自觸酒又言相國其可

留神一與寡人相見胥即從中出曰生時為人死時為

神嚮遠大王復重祭臣諸臣持杯杯動酒盡左右羣臣

莫不見之

抄本舊鈔八十八御覽四百五十六又五百廿六參定

吳王夫差聞孔子與子貢游於吳出來觀其形變服而行為或人所戲而傷其指夫差還發兵索於國中欲誅

或人子胥諫曰臣聞昔上帝之少子下游青冷之淵化
為鯉魚隨流而戲漁者豫且射而中之上訴天帝天帝
曰汝方游之時何衣而行少子曰我為鯉魚上帝曰汝
乃白龍也而變為魚漁者射汝是其宜也又何怨焉今
夫大王弃萬乘之服而從匹夫之禮而為或人所刑亦
其宜也於是吳王默然不言

羣書治要又御覽
三百七十一節引

吳將伐齊北霸中國自廣陵掘江通淮

寰宇記百二十四

子胥諫吳王王怒胥暮歸此胥字依事類賦注三補舉衣出宮宮中
羣臣皆驚曰天無霖雨宮中無泥露相君舉衣行高何

為子胥曰吾以越諫王王心迷不聽吾見宮中生草棘
霧露沾我衣羣臣聞之莫不悲傷

書鈔百五十五
御覽十二

大夫種善圖始范蠡善慮終

文選等論注

范蠡曰夫人君勇者逆德也兵者凶器也爭者國之末

也文選陸士衡
樂府詩注

賜以甘棠

書鈔
白帖丘

越鴈陣名

白帖丘
十四

海鹽縣淪為柘湖徙居武原鄉故地也

初學記七

截骨之劍無削拔之塘

鈔百二

練塘里句踐練治銅錫之處

水經南
江水注

鹿野山越之麋苑也

同上

趙王都埤中

同上

眉間尺逃楚入山道逢一客客問曰子眉間尺乎答曰是也吾能為子報讐尺曰父無分寸之罪枉被荼毒君今惠念何所用耶客曰須子之頭并子之劍尺乃與頭客與王王大賞之即以鎧養其頭七日七夜不爛客曰此頭不爛者王親臨之王即者之客於後以劍斬王頭入鎧中二頭相齧客恐尺不勝自以其劍擬頭入鎧中

三頭相交七日後一時俱爛乃分葬汝南宜春縣并三

冢

御覽三百六十四

李札去徐而歸行於道逢男子五月披裘採薪於道傍有委金一器李札見之忽不入意顧謂薪者曰來取此金薪者曰君舉止何高視何下焉五月披裘採薪甯是拾金者乎札慚於斯言下車禮之曰何子衣之鄙而言之雅也予姓何薪者曰皮相之士何足以告姓字乎季札有慚色御覽四百九十一又藝文八十八引藝文八十三引延陵季子出游於齊見路有遺金有披裘採薪者季子呼薪者季子呼薪者取故地金薪者曰吾當夏五月披裘而薪者取金者哉御覽六百九

略同 俗家又見文選注

吳師入郢閼閼既妻夫人又及伯羸伯羸秦康公之女平王之夫人昭王之母也伯羸操刃曰妾聞天子天下之表也公侯一國之儀也天子失制則天下亂諸侯失節則國危今夫婦之道固人倫之始王教之端今吳弃儀表之從亂亡之欲犯誅絕之事何以行訓民乎妾聞生以辱不如死以榮者使吳王弃儀表則無以生存一舉而兩儀辱妾以死守之不敢聞命也且凡欲近妾者為樂也近妾而死何樂之有先殺妾又何益之君王於

是吳王慙恥遂退遷舍

御覽四百九十一

昇平門外麋湖西城者麋王城也與越王遙戰越王殺麋王麋王無頭騎馬還武里乃死因留葬武里城中以午日死至今武里午日不舉火

御覽五百五十六

獨女山者諸寡婦女淫泆犯過皆輸此山上越王將伐吳其士有憂思者令游山上以喜其意

御覽四十七

卑門外雞波墟者吳王牧雞處

御覽八百三十三又九百十八

太官舍春申君所造殿後殿名逃夏宮春申子假君宮也數失火因塗雌黃故曰黃堂

御覽九百八十八又九百一十八

秦徙大越為語之人置晉

寰宇記九十三又引閩馴
十三州志云晉謂為潛

俊接右從武陵山人遺書輯錄

吳越春秋佚文

堯聽四嶽之言用鯀修水鯀曰帝遭天灾厥黎不康乃築城造郭以為固國

初學記廿四御覽百九十三

鯀築城以衛君造郭以居人

初學記作守民

此城郭之始也

同上

楚王召風胡子而告之曰寡人聞吳有干將越有歐冶

寡人欲因子請此二人作劍可乎風胡子曰可為往見

二人作劍一曰龍淵二曰太阿

史記蘇秦傳集解

閭閻死葬於國西北名虎邱穿土為川

吳郡志作山

積壤為

邱發五郎之士

藝文部作都

十萬人共治千里使象撻土鑿

池

襄平記九十一
引作墻土臨湖

四周水深丈餘銅椁三重湧水銀為

池

藝文通
作傾

池廣六十步黃金珠玉為鳬雁扁渚之餽魚

腸

三千在馬彝之已三日金精上揚為白虎據墳故曰

虎邱

藝文八
志三十
吳郎

虎邱

者吳王閭閻墓也下池廣六十步深一丈五尺銅

棺

三重中池廣六尺

御覽八百十二
中涌池廣六丈

引金鷹玉鳬魚腸

之劍以送焉

此句又見書
御覽九十四
金鷹玉鳴魚腸

之劍以送焉

御覽五百五十八

此即上條之文而引者互有別
節不可混合為一故而存之

越王既樓會稽范蠡等曰臣竊見會稽之山有魚池上

下三處水中有三江四瀆之流九谿六合之廣上池宜

於君王下池宜於臣民畜魚三年其利可以致十萬越

國當富盈

藝文九十六御覽九百三十上事類賦注十九

吳亡後越泮西施於江令隨鷗夷以終修文御覽引見

越王平吳後立賀臺於越

初學記十四

文種者本楚南郢人也

此上依文選書士賦序注補

姓文名種字子

禽文選注文少禽荆平王時為宛令之三丘之里范蠡從犬賓

蹲而吠之從吏恐文種慙令人引衣而障之文種曰無
障也吾聞犬之所吠者人今吾到此有聖人之氣行而

求之來至於此且人身而犬吠者謂我是人也乃下車

拜茲不為禮

史記趙世家

茲字少伯乃楚宛三戶人也

同上

文檼荆平王時為宛令不治官職有若狂顛惟歎嗟也

抄本書鈔七十吳王既殺子胥問太宰曰子胥數以越諫遂

以喪身從死以來若有所亡今欲祠之何日可也曰三

月癸未可也

御覽五百廿六引作二月

及夫差帥諸羣臣

出國東門祀子胥于江水之濱諸臣竝在夫差乃言曰

寡人蒙先王之遺恩為千乘之主昔日不聽相國之言

乃用讒佞之辭至今相國遠投江海

御覽五百廿六引作江浦自止

抄本吉鈔八十八御覽四百五十

以來濛濛惑惑如霧蔽日莫誰與言泣下沾衿哀不自

勝左右羣僚莫不悲傷忽見樂自觸酒又言曰相國其

可留神一與寡人相見骨即從中出曰生時爲人死時

爲鬼神嚮遠太王復重祭臣諸臣持杯杯動酒盡左右

羣臣莫不見之

抄本吉鈔八十八御覽四百五十
六又五百廿六卷

吳王夫差聞孔子與子貢游於吳出求觀其形變服而
行爲或人所戲而傷其指夫差還發兵索於國中欲誅
或人子胥諫曰臣聞昔上帝之少子下游青冷之湖化

為鱸鯉魚隨流而戲漁者豫且射而中之上訴天帝天
帝曰汝乃方游之時何衣而行少子曰我為鯉魚上帝

曰汝乃白龍也而變為魚漁者射汝是其宜也又何怨

焉今夫大王弃禹乘之服而從匹夫之禮而為或人所

刑亦其宜也於是吳王默然不言

羣書治要又御覽三百七十節引

吳將伐齊北霸中國自廣陵掘江通淮

寰宇記百二十四

子胥諫吳王王怒胥暮歸

此胥字依事補賦注三輔

舉衣出宮宮中

羣臣皆驚曰天無霖雨宮中無泥露相君舉衣行高何

為子胥曰吾以越諫王王心迷不聽吾見宮中生草木

霧露沾我衣羣臣聞之莫不悲傷

書鈔百上十
二御覽十二

大夫種善圖始范蠡善慮終

文選五等
論注

范蠡曰夫人君勇者逆德也兵者凶器也爭者國之末
也

文選陸士衡
樂府詩注

賜以甘巢

書鈔十九

越鴈陣名

白帖五十四

海鹽縣治為柘湖徙居武原鄉故越地也

初華記七

截骨之劍無削挺之

書鈔百廿二

練塘里句踐練冶銅錫之處

水經漸五水主

鹿野山越之麋苑也

同上

越王都埠中

同上

眉間尺逃楚入山道逢一客客問曰子眉間尺乎答曰是也吾能為子報讐尺曰父無分寸之罪枉被荼毒君今惠念何所用耶容曰須子之頭并子之劍尺乃與頭容與王王大賞之即以鑊煮其頭七日七夜不爛容曰此頭不爛者王親臨之王即看容於後以劍斬王頭入鑊中二頭相齧容恐尺不勝自以其劍擬頭入鑊中三頭相咬七日後一時俱爛乃分葬汝南宜春縣并三家

季札去徐而歸行於道逢男子五月被裘採薪於道傍有委金一器季札見之忽不入意顧謂薪者曰來取此金薪者曰君舉止何高視何下也五月被裘採薪寢是拾金者乎札慚於斯言下車禮之曰何子衣之鄙而言之雅也予姓為何薪者曰皮相之士何足以告姓字乎

季札有慚色

御覽四百九十一又藝文八十三引之陵季子出游於晉見路旁

遺金有收者採薪者季子呼薪者取彼金金者曰吾夏丘內披裘而薪豈取金者哉御覽二百九十四等

吳師入郢聞閼旣妻夫人又及於伯羸伯羸秦康公之女平王之夫人昭王之母也伯羸操刃曰妾聞天子天下之表也公侯一國之儀也天子失制則天下亂諸侯失節則國危今夫婦之道固人倫之始王教之端也今吳弃儀表之行從亂亡之欲犯誅絕之事何以行訓民乎妾聞生以辱者不如死以榮者使吳王弃儀表則無以生存一舉而兩儀辱妾以死守之不敢聞命也且凡欲近妾者為樂也近妾而死何樂之有先殺妾又何益於君王於是吳王慙恥遂遠遷金部覽四百

昇平門外麋湖西城者麋王城也與越王遙戰越王殺
麋王麋王無頭騎馬還武里乃死因留葬武里城中以
午日死至今武里午日不舉火

御覽五百六十六

獨女山者諸寡婦女淫泆犯過皆輸此山上越王將伐
吳其士有憂患者令游山上以喜其意

御覽四十七

婁門外雞陂墟者吳王牧雞處

御覽八百三十三文九百四十八

太官舍春申君所造殿後殿名逃夏宮春申子假君宮
也數失火因塗雌黃故曰黃堂

御覽九百八十八文

秦徙大越烏語之人置督置守記九十三人青蒲縣

志三節

續書考證

右從武陵山人遺書兵越春秋輯錄

吳越春秋佚文

越王還於吳置酒父臺岸臣為樂乃命樂作伐吳之曲樂師曰臣聞即事作操功成作樂君王復讐還耻威加海諸侯受伯王之功可象於圖畫德可刻於金石聲可託於霄
弦管名可留於竹帛臣請引琴而鼓之遂作章暢辭曰毛
乎今欲伐吳可未邪廣博物志三十四

右從杜氏古謠諺輯錄

十六國春秋佚文

劉聰字元明年十四究通經史時有太守郭頤辟為主簿吏歌曰我有賢后能任元明政理人殷前趙錄帖卷七十七

右從杜氏古謠誘輯錄

越絕書佚文

名門者車船並入昌門今見在銅柱石填地都賦注吳夫差
小女字幼玉見父無道輕士重色其國必危遂願與書生
韓重為偶不果結怨而死夫差思痛之金棺銅櫬葬閭門
外其文化形而歌曰南山有鳥北山張羅鳥既高飛羅當
索何志願從君說言孔多悲怨成疾沒身黃坡吳地

閩廬葬女於卦西名為三女墳吳先主發掘无得蓋分為
三呼為三女墳也及吳先主事蓋後人妄增

美山

大雷山

小雷山

有西岑冢越王孫開所立以備春申君使其子守之死遂

葬城中

上並見後漢書郡國志注

北城泰伯所築

咸淳志此

伍員取利浦黃瀆土築此城

無錫闡記城下

吳人於硯石置館娃宮

續記九十一吳郡圖經引硯石下有山字

秦始皇至會稽徙越之人於烏程

寰宇記九十四

東甌越王所立元年四年范蠡築

路史國名紀陵上元西南七里有故越城越

絕書云

宋大夫華元冢在華原陳留小黃縣北

太平御覽五百五十八

閭問惡王子慶忘問於伍子胥子胥曰臣有所厚於國其人細小也曰要離臣嘗見其辱壯士蓄邱訴吳春秋作椒邱訴東海上人也為齊王使於吳過淮津欲飲馬水神出取蓄邱訴大怒翦袒操劍入水與戰殺而蛟一龍連日乃出眇其左目遂之吳會於友人之座訴持其神戰之勇輕大夫要離與之對座即謂之曰吾聞勇士之戰也與日戰者不殆

表與鬼戰者不旋踵與人戰者不違聲生往死還不受其辱今子與神戰於泉水之中亡馬失御又受眇目之病形殘名辱勇士所恥自驕於友人之旁何其忍負也於是荀邱訴卒於結恨勢怒未及有言座衆分解荀邱訴宿怒遺恨夜往攻要離要離戒其妻曰曩者吾辱壯士荀邱訴於大眾之座有受不還報答之怒餘恨忿恚冥必來矣慎母閉門荀邱訴果往入門不開登堂不闢入室不守放髮僵卧訴乃手拔劍而捽要離曰吾不知也荀邱訴曰子辱吾於大座之衆座越春秋作二字嚴當互易吳一死也歸不閉門二

死也卧不守衛三死也子有三死之過雖欲勿怒其得乎哉要離曰無吾三死之過子有三不肖之媿子知之乎荀丘訴曰吾不知要離曰吾辱子於千人之衆子不報答是一不肖也入門不咳登堂無聲是二不肖也先拔劍手持頭乃敢有言是三不肖也子有三不肖之媿而欲威我豈不鄙哉於是荀丘訴仰天歎曰吾之勇也人莫敢有訾吾者若斯要離乃加吾之上此天下壯士也

御覽四百三十七

屬鏃

史記呂太后索隱曰劍名見越絕

無餘都會稽山南今越城是也

史記越世家正義

句踐遊臺上有龜公案在

寰宇記
九十六

興平二年分立吳寧縣

餘暨西施之所出

上並見後漢書郡國志注

棟猶鎮也

水經漸江水注

越王句踐既為吳辱常盡禮接士思以平吳一日出遊見

蛙怒句踐揖之左右曰王揖怒蛙何也答曰蛙如是怒何

敢不揖於是勇士聞之皆歸越而平吳

太平廣記四百七十三

閭廬既重莫耶乃復命國中作金鉤有人貪王賞之重殺

其兩兒以血釀鉤遂成二鉤獻之閭閻詣宮求賞王曰為

鉤者衆多而子獨求賞何以異於眾之鉤乎曰我之作鉤也殺二子成兩鉤王曰舉鉤以示之何者是也於是鉤師向鉤而哭呼其兩子之名吳鷗扈稽曰我在此王不知汝之神也聲未絕於口兩鉤俱飛著於父之背吳王大驚曰嗟乎寡人誠負子迺賞之百金遂服其鉤文選吳都賦注亦見吳越春秋

伍子胥水戰兵法內經曰大翼一艘廣一丈五尺二寸長十丈文選待避曲河後湖詩注御覽三十五作廣六尺長十二丈容戰士二十六人櫂五十人舳艤三人操長鉤矛斧者四吏僕射長各一人凡九十一人當用長鉤矛長斧各四弩各三十二矢三十

三百甲兜鍪各三十二

伍覽三

中翼一艘廣一大三尺五

寸長九丈六尺

原作五丈六尺依七命注改

小翼一艘廣一丈二尺長

九丈

侍遊曲河後湖詩注按此本吳事而初學記二十五

引越為大翼小翼中翼為船軍戰事類賦注亦引云

趙為大翼中翼小翼之船以水載戰皆屬之越疑誤

閻問見子胥敢問船軍之備何如對曰船名大翼小翼突

冒樓船橋船令船軍之教比陵軍之法乃可用之大翼者

當陵軍之重車小翼者當陵軍之輕車

書錄百三十七引云小翼可載踐鉤

也突冒者當陵軍之衝車樓船者當陵軍之行樓車橋船

者當陵軍之輕足驃騎也

御覽七百七十樓船書錄百三十八作萬船

吳王聞問伍子胥軍法子胥曰王身將即疑船旌麾兵

戰與王船等者七艘將軍疑船兵戟與將軍船等三船皆居於大陣之左右有敵即出就陣吏卒皆銜枚教擊鼓

者斬

御覽三百五十七按以上三條蓋皆兵法篇之僅存者

在越為范蠡

在齊為鴈夷子皮在陶為朱公

史記越世地正義

西施亡吳國後復歸范蠡同泛五湖而去

吳地記

蜀有蒼鵠狀如春花

御覽九百二十二

右從小萬樓卷叢書錄出

越絕書佚文

蕭山西子之所出
續漢郡國志

漢官儀佚文

應劭 撰

里諺曰仕宦不上車生耳詩紀補

俊按漢官儀有孫氏星衍輯本杜氏古諺諺三十二錄之復据詩紀補探出此條以補孫氏所未及今祇据杜氏本錄之凡孫氏已採者不錄

御史臺記佚文

石抱忠檢校天官郎中與侍郎劉奇張詢古同知選抱忠
素非靜慎劉奇久著清平詢古通婚名族將分鈐時人語
曰有錢石下好無錢劉下好士夫大張下好斯言果徵抱
忠二字据全唐詩十二補後與許子儒同知選劉奇獨以公清稱抱
忠師範子儒頗任今史勾直每注官呼曰勾直乎時人又
為之語曰碩學師劉子孺生與言抱忠後與奇同棄市選
人或為橫抑者復為語曰今年柿子進遭霜為語石榴須

早稿廣記五百五十五

俊按說郛五十一列此書而此條漏采今據廣記錄
之杜氏文淵說

華陽國志佚文

晉 常璩 撰

卷二

漢中志

諸葛亮相蜀鑿石架空為飛梁閣道以通蜀漢即古劍

閣道也

和學記 御覽百六十六

俊毅令本漢中志云有劍閣道三十里至險有閣尉

卒下兵民也顧氏觀光曰初學記御覽並引云云是

是此處故文

郡居河池一名後池汎方百頃水經漢水注

俊按令本作有瞿堆百頃廖氏云疑此有脫文

卷三

蜀志

萬里橋在成都縣八十里蜀使荀禕使吳諸葛亮送之
勦曰萬里之路始於此橋因名萬里橋御路見七十三

俊按令本成都縣郡治無之顧氏云當是此縣

佚文

元武山一名三嶠山山出龍骨傳云龍骨天下達壁上此

民取以入藥元武縣因山得名

御覽百六十六

俊桉令本故掘取得龍骨顧氏云御覽云云與此絕異檢本書亦無元武縣附識於此

汝山有鹹石煎之得鹽御覽五十二事類賦注鹹作鹽

俊按今本地剛鹵不宜五穀顧氏云疑是此

處缺文

因慰勞汝山吏及百姓詣武自訟一歲再度更賦至重邊人貧苦無以供給求省部郡建以來四十五年矣

武以狀上遂省汝山郡復置都尉

寰宇記

俊桉顧氏云舊本僅存因字餘並脫去依寰宇記
補

孝安延光三年復立之以為郡 繢漢志注

氐逋縣有岐阜江所出之處也 書鈔百五十七

都安縣有大芋如蹲鷗也 史記貨殖傳正義 漢書貨殖

廣陽縣山出青珠 初學記二十七 御覽八百三

今夷人共營其地 此尚依史記夏本紀正義

方百里不敢居牧有過逃其野中不敢追云畏禹神能
藏三年為人所得則其原之云禹神靈佑之

諸漢志蜀郡廣安注

有玉壘山出璧玉湔水所出

續漢志蜀郡縣虎道注

漢嘉郡以禦雜夷寘爐燿之乃雕飾城牆華盡府寺及諸門作山神海靈竈竒鑿齒夷人出入恐驟焉或憚之趨趨御覽七百五十

漢嘉縣此三字依史記同馬相如傳索隱補有沫水從邛崍出岷江又從

岷山西來入江合郡下青衣江入大江土地多山

續漢志注

二水于漢嘉首衣縣東合為一川自下亦謂之青衣水

水經沫水注

出丹砂雌雄黃空青青碧

續漢志蜀郡舊圖注

續漢志注

九折乃至山上凝冰夏結冬則劇寒

續漢志有郡王陽
屬國嚴道注

行部至此而退者也

後漢書西施地也
南史傳注

在邛崐山表邛

人自蜀入度此山甚險難南人毒之故名邛崐山有鮮水

若水一名洲江

續漢志蜀郡
屬國旄牛注

邛都河有峰嵩山

續漢志注

靈關道有銅山又有利慈

續漢志注

丹陽縣西北十五里有龍鶴山

初學記八眉州

合江北有綾錦山

又瀘州

臺州合川縣石鏡山在縣西北四十五里其上有石瑩

皎潔照之莫不備見形體故謂之石鏡山山下又有銅
窟隋初於此置監鼓鑄錢刀馬御覽四十四

牛飲水者皆程鄭在此飲牛汎為之渴因以為名

御覽九百

事類賦二十二注

卷四 南中志

珠有黃珠白珠青珠碧珠御覽八百三

梁泉縣東八十里有紫柏板

初學記八

卷八 大同志

永寧元年春正月歟達萬餘人斷北道六縣竹以長

史費遠為繼前軍宿石亭特等相合得七百餘人夜

襲之因放火殺廢軍畧盡進攻成都

顧云攻守城中
依齊校補

恂懼中郎常美與費遠率必張微等

顧云微亦夜斬關
微當作微

委廢走文武散盡廢猶與妻子乘小船順水至廣都為

下人朱竺所殺

顧云原衍袁
字休寥據改

廢字和叔本巴西安漢人

也祖世隨張魯內移家趙趙王倫器之歷長安令天門

武陵太守來臨州長子曷在洛亦見誅特派西成都殺西

夷護軍姜發及裴尼相都令孝洽因大抄掠遣牙門王尚

李基詣洛表狀初梁州刺史羅尚聞廢反表廢非雄才又

蜀人不願為亂必無同者事終無成敗士可計日而俟惠
帝因拜尚平西將軍假節護領西夷校尉益州刺史給衛
節兵一千梁州兵二千又配上庸都尉義部千五百人合
四千五百人遷梓潼太守樂陵徐儉為蜀郡楊烈將軍龍
西辛冉為廣漢太守羅尚又表請牙門將王毅兵七千餘
人入蜀特等聞尚來甚懼使弟驥奉迎特厚進寶物尚以
驥為騎督特派奉牛酒杜尚於縣竹王毅說尚曰王等隴
上塞盜刦賊宜軍無後患也會所殺之辛冉本趙王倫
所用非貨次召當還欲討嚴以自新亦言之尚不納又

冉謂特曰故人相逢不吉當山特自精懼三月尚沿汲山
羌反於都安之天柱山遣王敦討之殺數千人大沒女弱
為生口數單馬馳為羌所殺御史馮該張昌攝秦雍州從
事督移還流民徙者萬餘家而特兄輔素留鄉里託言迎
家即至蜀因謂特曰中國亂不足遠遣天水閻文累詣尚
求弛領校權停至秋並進貨賂於尚該許之及秋又求至
冬卒冉卒茲以為不可必欲移之式為別駕杜弢說追移
利害發亦欲寬遂民一年卒冉卒茲以為不可當從之弢
致秀才板出還家知計謀不行故也時有白虹頭在井里

屋在東山施太城上治中從事巴西馬休閭閻式曰此何祥也式曰占言下有萬屍氣甚迫於城非佳應天孽可違乎西平若能寬逆民災自消矣冉芝又曰尚流民前廢亂際多所枉沒宜因移設閭以奪取秋七月尚移盡梓潼所在施閭八月閭皆城閭式日無寇而城讎必保之蜀將亂矣九月遣軍軍縣竹楊言種麥實備越逆冉又購特流首百匹特驥悉更其購云能送六郡大姓閭楊任楊季上官及氐叟梁竇符隗董費等首百匹流民本無還意大驚駭趣特冬十月特流乃保赤祚為二營特稱鎮北

益州流鎮東皆大將軍兄輔驛騎弟驥駕騎特長子蕩
鎮軍少子雄前軍李含西夷校尉含子國離及任田上
官品李攀貴他皆將軍以天水任臧上官恬楊震楊發
楊珪王達麴欵陰平李達李博畧陽夕試等參佐而閭
式何巨趙肅亦為賓從其餘皆有官號辛冉造護軍曾
元攻之為特所殺尚督護田佐牙門劉立助冉復敗進
圍廣漢尚復遣犍為太守李艾長史冉遠助冉不能
克冉託罪於縣令今南郡岐苞斬之而潰圍走德陽
特等得廣漢詐為表奏稱引梁統推舉嘗融故

事以自責尚書檄告渝閩式式答曰辛冉傾巧杜景任發曾
元小鑒田佐血氣不治李叔平才經廊廟無將帥之氣
討羸之寇羨謂可長爾式前為節下及杜景文論留徙
之宜人懷桑梓孰不願之但往初至隨穀庸賈一室五
分復值雨潦乞須冬熟而不見聽必窮鹿抵虎但恐
繩之太過逆民不肯延頭受刃其憂在後即聽式言
寬便治嚴不過去九月盡集十月坐進道令達鄉里
何有如此也雅聽未察卽彼過言今辛冉叔平
長遜支分勢解事漸及已所謂不寤由突遠斯而

有焦爛之害也尚幸其民率盡渡鄆水以南尚阻長圍自
都安至犍為七百里捍特特等保廣漢

俊按顧氏云此上俗本全脫故依宋本錄之

卷九 李特雄期壽勢志

李勢字季仁洛陽臨渭人本巴西宕渠寃人也其先李特
因晉亂據蜀特子雄稱號成都祖驥特弟也驥生壽壽
篡位自立勢即壽子也晉安西將軍伐蜀勢歸降遷
之揚州自起至七十六世三十七年世說識鑒篇注

俊按顧氏云三十七當依今本作四十七又曰常氏

李勢志傳寫脫漏宋張嘉胤承通鑑諸書補之俗本
甚明廖氏以為李生所續誤矣

卷十上此卷原脫今
依宋本錄之

先賢士女總讚

含和誕氣人倫資生必有賢彥為人經紀寧德達教博化
篤俗故太上立德其次立功其次立言品物炳炳彝倫攸
敘也益深爰在前代則夏熟配天而彭祖體地及至周世
韓服將命夔子忠堅然顯者猶鮮豈國史簡闕亦將分以
秦楚希預華尚自漢興以來迄乎魏晉名士克生髦俊益

世愷元之警威於帝恩於是盟書交馳於斜谷之南東帛
委委於梁益之鄉或迺龍飛紫闕允陟珠璣亦有盤桓利
居經論皓素其耽道術服膺六藝弓車之招旌旌之命
徵名聘德忠臣孝子烈士賢女高勁足以振元風貞淑可
以方贊禁者平世最美是以四方述作來世志士莫不仰
高軌以咨詠憲漢缺而儀則擅名八區為世師表矣故耆
舊之篇較美史漢而今志州部區別未可總而言之用最
撰約其善為之述譜因自注解甄其洪伐尋事釋義略可
以知其前言往行矣

蜀都士女都當作郡

嚴平恬泊皓然沉冥。嚴道字君平成都人也。雅性澹泊。學業加妙。專精大易。耽於老莊。常卜筮於市。假蓍龜以教與人子。卜教以孝。與人弟。卜教以悌。與人臣。卜教以忠。於是風移俗易。上下益。日閑人得百錢。則閉肆下簾。授老莊著指歸。為道書之宗。楊雄少師之。稱其德。杜陵李強為益州刺史。謂雄曰。吾真得君平矣。雄曰。君但可見不能屈也。強以為不然。至州脩禮交道。見之。强服其清高而不放屈也。歎曰。楊子雲真知人也。年十九十。

辛辟穀之曰不慕夷即由矣不作苟見不治苟得久幽而不改其操雖隨和何以加諸

仲元抑抑邦家儀形 李宏字仲元成都人少讀五經不為章句處陋巷淬勵金石之志威儀容止邦家師之以德行為郡功曹一月而去子贊以見辱故人太守曰賢者之子必不殺人故之贊自以枉語家人宏達亡命太守怒讓宏宏對曰贊為殺人之賊明府私宏枉法君子不誘而誅也石碏教厚春秋識之孔子稱父子相隱直在其中宏實違贊太守無以詰也州命從事常以公

正赫爭為志楊子雲稱之曰李仲元為人也不屈其志
不累其身不夷不患可否之間見其貌者肅如也觀其
行者穆如也聞其言者臧如也非正不言非正不行非
正不聽吾先師之所畏

子雲元達煥乎宏聖 楊雄字子雲成都人也少貧好道
家無擔石之儲十金之費而晏如也好學不為卓曰初
慕司馬相如綺麗之文多作詞賦車騎將軍王音成帝
叔舅也召為門下史薦待詔上甘泉羽獮賦達侍郎給
事黃門郎既升祕閣以為辭賦可尚則賈誼升堂相如

入室武帝讚大父賦飄飄然有凌雲之志不足以諷諫
乃報其業以經莫大於易故則而作太元傳莫大於論
語故作法言史莫善於蒼頡故作訓纂箴諫莫美於虞
箴故作州箴賦莫宏於離騷故反屈原而廣之典莫正
於爾雅故作方言初與劉歆王莽董賢同官竝至三公
雄歷三帝獨不易官年七十一卒自刺向父子桓譚等
深敬服之其元淵源懿後世大儒張衡崔子玉宋仲子
王子雅皆為注解吳郡陸公紀尤善於元稱雄聖人雄
子神童烏七歲預雄元文年九歲而卒

林生清寂莫得而名。林閭字公孺，臨邛人也。善古學，古者天子有輶輶之使，自漢興以來，劇向之徒，但闡其官不詳其職。職惟閭與嚴，若平知之曰：此使考八方之風，雅通九州之異，司主海內之音韻，使人主居高堂，知天下風俗也。楊雄聞而師之，因作方言。閭隱過世，莫聞也。汜鄉忠貞社稷是經進賢為國稽考典刑，愛莫助之身殞朝傾。何武字君公，郭人也。初以對策甲科為郎，歷揚兗州刺史司隸校尉京兆尹，清河楚沛太守廷尉御史大夫。成帝初，具三公拜大司空，封汜鄉侯。為人忠厚，公

正推賢進士在楚致兩龔在沛厚兩唐臨司隸致茂陵
何竝居公位進平慶忌皆世名賢臨州郡雖無赫赫之
名及去民思之才雖不及丞相薛宣翟方進而正直過
之哀帝即位以朱博趙元為公卿用事免官諫大夫鮑
子都亞許論之丞相王嘉亦以為慨帝復徵武為御史
大夫徙前將軍時大司馬新都侯王莽避帝外家丁傅
氏遷位亦以列侯見徵哀帝詔博舉太常莽從武求舉
武以莽奸人之雄不許哀帝崩王太皇太后莽姑也即
日引莽入收大司馬董賢印綬詔舉大司馬丞相孔光

等逼王氏皆舉莽武與左將軍公孫祿謀曰莽五父世朝權傾人主必危劉氏乃舉祿祿亦舉武太后不從用莽為大司馬莽諷有司劾奏皆免武就國後莽浸盛遂為宰衡安漢公欲圖篡漢憚武與其叔紅陽侯王立不從元始三年因呂寬吳章事槛車徵武武自殺衆咸寬之莽欲厭衆心益武曰刺侯子況嗣平帝崩莽因居攝後增王位

叔文播教燮風為雅道洽化遠我賓西魯張寬字叔文成都人也蜀承秦後曾文刻野太守文翁遣寬詣博士

東受七經還以教授於是蜀學比於齊魯巴漢亦化之
景帝嘉之命天下郡國皆立文學由翁唱其教蜀為之
始也寬從武帝郊甘泉秦時過橋見一女子裸浴川中
乳長七尺曰知我者後七車道得寬車對曰天有星主
祠祀不齊潔則作女令見帝感寤以為揚州刺史復別
弛笄之妖世稱云七車張作春秋章句十五萬言

長卿彬彬文為世矩 司馬相如字長卿成都人也游京
師善屬文著子虛賦而不自名武見而善之曰吾燭不
得與此人同世楊得意對曰臣邑子司馬相如所作也

召見相如相如又作上林賦帝悅以為郎又上大人賦
以風諫制封禪書為漢辭宗官至中郎將世之作辭賦
者自楊雄之徒咸則之

王淵艷麗尉若華園 王褒字子淵資中人也以高才文
藻侍宣帝初為王襄作樂職中和頌宣帝時又上甘泉
洞蕭賦帝善之令宮人誦之為諫大夫卒

子山翰藻遺篇有厚廖云當作序 楊終字子山成都人也年
十三已能作雷賦通屈原七諫章後生太守徙邊作孤
情詩明帝時與班固賈逵並為校書郎刪太史公書為

十餘萬言作生民詩又上符瑞詩十五章制封禪書著
外傳十二卷廖云外傳上當有春秋二字見後漢書章句十五萬言皆傳
於世者

少遷猛毅侯坐黜三邦 陳立字少遷臨邛人也成帝時
柯有亂將軍王鳳薦立為太守克平禍亂徙守巴郡秩
中二千石治有尤異又徙天水太守為天下嚴天子賜
黃金四十斤入為左衛護軍

世公賦政祥瑞來同 王阜字世公成都人也太守弟五
倫察舉孝廉為重泉令有鷺鳥集於文學十餘日遷益

州太守神馬出滇池河甘露降白鳥見民懷之如父母
猗歟文父叔發幼童德淳會稽道崇辟雍 張霸字伯饒
益曰文父成都人也年數歲以知禮義諸生孫林劉圓
段著等宗之移家其宇下啓母親求就師學母憐其雄
對曰饒能故字伯饒也為會稽太守撥亂興治立文學
學徒以千數風教大行道路但聞誦聲百姓歌詠之致
達名士顧奉公孫松畢海胡母官萬虞光王演李根皆
至大位在郡十年以有道徵拜議郎遷侍中遂授霸五
更尊禮於文學廖云文年老卒葬河南

少府委退作卿作師 趙典字仲經成都人也太尉戒孫
也廖云孫當作子與頴川李膺等並號八俊三為侍中自樂祿
俸施貧方授國師未拜病卒

何揚研神貫真入微 何英字叔俊鄆人也楊由字良侯
成都人也二子學通經緯英著漢德春秋十五卷孫汶
字景由亦深學初徵上日食盜賊起有効為渴者京師
早請雨即澍達隸為屬國著世務論三十篇卒楊由為
太守廉范文學范稱能治由言當有賊發項之廣柔羌
反寇殺長姚超鄉人冷豐齋酒候至值客未內由為知

其多少又言人當效果其色赤黃果有送甘橘者大將軍竇憲從太守索雲氣圖由諫莫與尋憲受詛真明如此著書十篇而卒

司農明允國憲是維任昉字文始成都人也初為禁令治奸賊七十餘人遷梁相尚書令清身檢下大將軍梁冀憲之出為魏郡從平原歲出租稅百萬冀殊復入為尚書令司隸校尉遷大司農卒弟愷徐州刺史亦有治名昉父循字伯度為長沙太守得其父時為五官事在精通也

翁君美秀牧後寤機

廖云後作后

何霸字翁君司空武兄也

為郡戶曹刺史王尊將之官移諸郡太守不得違迎唯
霸白宜往太守遣霸尊大怒霸對曰太守遣霸非脩敬
也以去京師久遲知朝廷起居自尊遼下車持節對之
因奇霸容止辟為別駕舉秀才為屬國中郎將弟顥

此字

依日錄補顥川太守兄弟五人皆有名

伯騫惟賢求善如飢柳宗字伯騫成都人也初結九友
共學號九子及為州郡右職務在進賢拔致求次方張
叔達王仲曾段智疎等終至牧守州里為謗曰得黃金

一荀不如為伯禽所識舉茂才為陽夏太守

廖云當依目錄作美

今場

文侯

卿印極位台衡文侯趙戒字志伯少府典祖也

云當作父祖父定以遊俠稱戒順桓帝之世歷司徒太尉登特

進屢居公輔器免憂患於無妄之世告歸於蜀菟家

太尉

顏頤志振頽綱趙謙字彥信戒孫也歷位卿尹初

平元年為太尉時董卓秉政欲遷天子長安謙與司空

荀爽固諫卓不聽以為車騎將軍奉大駕西幸封洛亭

侯拜司隸校尉忤卓指免討白波賊有功封侯

廖云侯當有上

郭進司徒免拜尚書令太僕三年薨謚曰忠侯

司徒繼踵偏俛橫

趙溫字子柔諫弟以侍中與

廖云當有

大駕二字

周輦而達封江南寧侯兄亡初平四年拜司空未

奏進司徒當世榮之時車騎將軍李傕與董承張濟等

爭權數遷移天子溫以書切責於傕天子聞為寒心尋

曹公入從天子都許政出諸侯禮待溫居公位十五年

建安十三年薨

猶操道柄董卓李傕

譴責也董卓李傕山擅謙溫干之

初文侯與辛國胡廣議立清河王蒜而莫欲立蓋吾侯

趙威脅而從之使李固枉死君子以為卓儼之惡甚於
梁冀謀厚卑之身溫弄倅之爪雖逼權勢以道諫剖賢
其祖遠矣

侍中授命分節亦彰 常洽字茂尼江原人也自荊州刺
史遷京兆尹侍中長水校尉以兵衛大駕西幸儼等作
難常侍衛天子左右為儼所殺

璽夷矯擾倡亂南壘子恭要傳醜穢于棟 楊竦字子恭
成都人也永初中廖云永初元年越巂永昌夷反殘破郡縣衆
十萬餘刺史張喬以竦勇猛授從事任平南中竦先以

詔書告喻不服乃加誅殺虜三萬餘人獲生口千五百人財物四千萬降夷三十六種舉正奸濁長吏九十人黃髮六十人南中清平會被傷卒喬舉州而贈列畫東觀

伯春孟元匡正時君 張充字伯春李光字孟元江原人也充為治中從事時刺史恃豪每見從事布席地坐已自安高牀上充入闈不肯進刺史寤乃更禮從事刺史辟公孫特大姓犍為李威橘稚充曹舊校云時有水灾倫受刺史指以漢中斗平不足表聞光固爭之後刺史

王興倫不平求郡短劾倫不言水灾免對以詔書上史
吳不得由州倫還司空辟先掾

楊羅為令遭愛在民 楊班字仲桓成都人也 羅衡字仲
伯鄣人也俱師徵士何初山廖云當作幼正後漢書楊
序傳注何長幼正是也

班為不韋茂陵令治化浹洽徙西城閭中令號時名宰
衡為萬年令路不拾遺人家牛馬皆繫道邊曰屬羅公
三府爭辟拜廣漢長二縣皆為立祠

小伯溫恭預圖急紛 陳湛字小伯成都人也歷數縣令
民皆懷服州辟治中從事廣漢太守遣子詣州脩敬文

使君欲納湛諫不可失羔羊義使君從之後有言州郡
私交者考之無得乃明也

孟由至孝遐葉肺風禽堅字孟由成都人也父信為縣
史越駕學云史為夷所得傳賣歷十一種去時堅方姪
高作使六月生母更嫁堅壯乃知父湮沒鬻力傭貨求碧珠以
求父一至漢中三出徼外周旋萬里經六年四月突瘴
毒狼虎乃至夷中得父父相見悲感夷徼哀之即將父
歸迎母致養州郡嘉其孝召功曹辟從事列上東觀太
守王商追贈孝廉令李莎為立碑銘迄今祠之

仲呈勉師 仲呈成都人也少受業於嚴季后季后為汝江尉書時仲呈仲呈許十月往會夷反斷道仲呈期於往經度六七載死數年卒得至汝江為季后陳策俱得免難達近數之

叔本慕仁 任末字叔本新繁人也與董奉德俱學京師奉德病死推鹿車送其喪師亡身病齋棺赴之道死遺令教子載喪至師門敍平生之志也

伯禽證將 朱普字伯禽廣都人也為郡功曹太守與刺史王冀有隙杜見勑普詣新都徵掠笞連月肌肉腐臭

惡同死人證太守無事赦其子曰我死載喪詣闈使天
子知我心事得情理普以烈聞

文寺代君 李鄉磬字文寺巖道人也為長章表主薄施
牛夷叛入攻縣表倉卒走鋒刃交至磬傾身捍表謂虜
曰乞殺我活我君虜乃殺之表得免太守嘉之圖象府
庭

在三義教終始可稱 人生於三事若一君父師也言人
靡不有初鮮克有終昔磬可謂能終始也

炎光中微巨迷僭亂 炎火光也漢以大德王自高祖至

早帝十二世國嗣三絕平帝早崩安漢公王莽字巨君
遂篡天子位稱新室皇帝而茂陵公孫述字子陽為莽
導江卒正遂僭號於蜀

章王劉首 章明字公孺新蔡人也 王皓字子離江原人
也明為太中大夫莽篡位歎曰不以一身事二主遂自
殺皓為美陽令去莽歸蜀公孫述僭號述字休御覽四
百三十八補又
御覽脩統下
有高之二字
使使聘之皓乃自刎以頭付使者述怒怒
誅其妻子

侯剛哭漢 刚字直孟新繁人也為郎見莽篡位佯狂負

木斗守闕號哭莽使人問之對曰漢祚無窮吾寢死之
不忍棄非主也莽追殺之

公卿絕脰亦蹈節貴 王嘉字公卿江原人也為郎士莽
遣蜀還下原衍西公族述先聞其妻子使人徵之嘉聞
王皓死歎曰吾後之歲亦自殺述憇貲其妻子

羅生美至恩濟艱難述方遂非殘彼貞幹 羅衍字伯紀
成都人也為述郎說述尚書解文卿鄭文伯使諫述降
漢為子孫福解鄭從之述怒聞二子於薄室六年二子
守志不回遂幽死衍卒察孝廉徵博士

劉主割據資我英俊鴻臚淵通與道推運 何宗字彥若
鄆縣人也通經緯天官推步圖識知剝備應漢九世之
運讚立先主為大鴻臚方授公輔會卒

君肅婦矯穎類俾羣 何祇字君肅宋族人也初犍為楊
洪為太守李嚴功曹去郡數年以為蜀郡嚴猶在官祇
為洪門下書佐去郡數年以為廣漢洪猶在官是以西
土咸服諸葛亮之能摶拔秀異也祇從犍為太守卒
輔漢朝撫服時之憩 張裔字君嗣成都人也汝南許文
休稱其才鍾元常輩也為漢輔漢將軍丞相長史丞相

北征居府燒事足食足兵

太常清密遼遠鉤深 杜瓊字伯瑜成都人也師事仕定
祖通經緯術藝為太守常沈默慎密稱諸生之高
休休眾彥殊塗同臻金聲玉振蜀之珠琳 休休美也眾
彥言此四十三人也易曰殊塗同歸百行齊致貴於流
光顯稱揚名垂世此四十三人者雖立行不同俱以至
美如金玉之音器為世名寶

述蜀郡人士

敬司穆穆暢始元終 敬司馬氏女五更張伯饒妻也霸

前妻有三男一女故司產一男撫教五子恩愛若一
卒葬河南故司與諸子還蜀疾病遺令告諸子曰舜葬
蒼梧二妃不從汝父在梁吾自在蜀亦各其志勿違吾
故也遂葬蜀子光超稟母教為聘士也

叔紀婉婉十媛仰風
叔紀霸王孫也適廣漢王遵至有
賢訓事姑以禮生子商海內名士廣漢周幹古朴彭祖
漢中祝龜為作頌曰少則為家之孝女長則為家之賢
婦老則為子之慈親終溫且惠秉心塞淵宜謚曰芳明

惠母

公乘氏張兩髦義崇 公乘會妻廣都張氏女也夫早亡無子姑及兄弟欲改嫁之張誓不許而言之不止乃斷髮割耳養會族子事姑終身

助陳撫孤節篤分充 助陳臨邛陳氏女犍為楊鳳珪妻也鳳珪亡養遺生子守節兄弟必欲改嫁乃引刀割咽宗族駭之幾死遂全其義

二常莞梵頹搘再隆 元常靡常江原人也元常廣都令常良女適廣漢使故賓早亡元常無子養舅族子父母欲嫁乃祝刀誓志而死靡常仲山女適成都殷仲孺家

遭疫氣死亡惟靡常在十八

廖云此二字當在此死亡下收葬諸喪養

遺生子立美成家

紀常哀哀精感昭融

紀常常侍女常治女趙侯夫人也

父遇害長安其二兄皆先沒遣父門生翟登張順迎喪

時寇賊蜂起晝夜悲哀順登得將喪與恙還時人皆以

紀常精神所感

貢羅誓志

貢羅郭羅倩女景奇妻也奇早亡無子父愍

其年壯以許同郡何詩貢羅白書誓父不還家父使詩

乃白州州告縣逼遣之羅乃訴州史刺史高而許之

琰何忘生 琰何鄭何氏女成都趙憲妻也憲早亡無子
父母欲改嫁何憲憤自幽乃不食旬日而死郡縣為立
石表

昭儀殉身 昭儀新築張氏女廣漢朱叔賢妻也賢為郡
督郵建安十九年劉主圍劉璋於成都賢坐謀外降璋
以昭儀配兵將見逼昭儀自殺三軍莫不哀歎

二妣見害 廣漢長鄭妣超二女妣妣饒未許嫁隨父在
官值九種夷反殺超獲二女欲使牧羊二女誓不辱乃
以衣連腰自沈水中死見夢告兄慰曰姊妹之恩報當

以某日至殿下慰痛哀傷如夢日得喪郡縣圖象府庭
哉哉淑媛表國銘旌 淑善媛婉婉也言此十二女皆圖

象列傳

述蜀郡列女

右蜀郡士女讚第一

凡五十五人四十三人

十人十二人女

巴郡士女此下宋本亦脱今依目錄補此
標題而以諸書所引遠文附之

任文孫字文公閬中人初武擔山石折丈公曰噫西方智
士死吾其應之遂卒益部為之謗曰藝文廿一任丈公智

無雙

御覽四百三十二
按蜀志有而畧

徐誦字子產少讀書日不過五十字誦千遍乃得終成儒

學書鈔九十八御
六百十六

譙隆為上林苑令武帝欲廣上林隆言免斧至治廣德不

務林苑帝後思其言徵為侍中

藝文四十八御
覽二百十九

陳禪字紀山安漢人也拜諫議大夫西域獻幻伎天子與

公卿觀之禪獨伏不視

御覽四百廿八按
文興此具

張翕字子陽巴郡人為陰平郡守

御覽陰平二字倒
書鈔三十八布衣

蔬食儉以化民自乘二馬之官久之一馬死一馬病翕曰

吾將步行矣

書鈔云吾遠也

越嵩太守

此句依書鈔

夷漢甚

安其惠愛在官十九年卒百姓號慕送葬者千數天子差

數賜錢十萬為立祠堂後太守數煩擾夷人叛亂禽子湍

御覽誤作端日錄又作瑞方察孝廉天子起家拜越嵩太

守迎者如雲

此上竝見御覽二百六十二

後湍亦著治績

此條今本僅存末三句而

錯簡在西志汶山郡下湍字又誤為西郡趙溫四字皆妄人增改也今以諸書所引考之當在此

郝伯都閩中人為郡史太守每見之垂泣伯都請白其故

太守曰亡男為人所殺汝身似之故悲感伯都問其辭所

在太守曰臺閣不可得也伯都乃交游與甘春卿為友共

同讎為吏所得伯都乃還首二人爭死會赦得免書鈔百三十九

卷十中

此卷原脫今依宋本錄之

廣漢士女

講學冲邃洙泗是歸眉帝紹聖熙時客 楊宣字君緯
什邡人也少受學於楚國王子張天文圖緯於河內鄭
子侯師楊公叔能暢鳥言長於灾異教授弟子以百數
成帝徵拜諫大夫帝與嗣宣上封事勸宜以定陶恭王
子為太子帝從之出宣為文州牧太子即位為哀帝拜
河內太守徵太倉令上言宜封周公孔子後帝從之封

周公孫相如為襄魯侯孔子後孔均為襄成侯又為遠
東王爛鄉鄒徐吉太原郭越楚國龔勝等宜讚隆時雖
平帝時命持節為講學大夫與劉歆共校書居攝中平
門生河南李吉廣漢嚴象趙翹等皆作大儒

長伯撫遐聲暢中微析虎命邦綽有餘徵 鄭純字長伯
鄭人也為益州西部都尉處地金銀琉璃犀象翠羽出
作此官者皆富及十世純獨清廉毫不犯夷漢歌歎
表聞三司及京師貴重多薦美之明帝嘉之乃改西部
為永昌郡以純為太守在官十年卒列畫頌東觀

三老決決寶作父師 楊悅字仲通新都人也事華里先生炎高高戒悅曰漢九世王出圖書與卿適應之建武初天下求通內讖二卷者不得永平中刺史張志舉悅方正司徒魯恭辟掾與恭共定音律上家法章句及二卷解說達侍中光祿大夫以年老道深養於辟雍授几杖為三老卒內讖二卷竟未詳

平仲淑道殆乎庶幾 王祐字平仲鄭人也少與雄高士張浮齊名不應州郡辟命司隸校尉陳紀山名知人稱祐天下高士年四十二卒弟獲志其遺言撰王子五篇

東觀郎李勝文章士也作蘇方之顏子列畫學官

舊校
云暖

淮一作

文父明洞探蹟索微

楊序字仲桓號仲子也道業傳父

三司及公車連徵辟拜侍中上言四方及荆揚交州當

兵起人民疫蝗洛陽大水宮殿當灾三府當免陰臣近

威謀變

陰臣二字原空格

皆效驗大將軍梁冀秉權自

退歸家遂倚黃老

此六字原空格

授門徒三千人本初

元年及建和中特徵聘不行年八十三卒天子痛惜詔

蓋曰文父弟子雖昭約節穿縣竹寇權文儀蜀郡何其

幼正侯祈升伯巴郡周舒叔布及任安董扶等皆徵聘
辟舉馳名當世

元章元治祐光匿采輝

原誤耀
廖枝改

依段翳字元章新都人

也明經術妙古未來常告大波津口曰某日當有諸生
二人荷擔問翳舍處者幸為告之後竟如其言又有人
從冀州來學積年自以精究翳術辭去翳為箇作書封
頭與之告曰有急發之至冀萌爭津吏遞從者頭諸生
發箇中有書曰到冀萌爭津破頭以膏裹之生不喟
然知不及翳還更精學翳常隱匿不使人知門人皆號

夫子

稚子奕奕古之畏愛 王渙字稚子鄆人也初為河內溫
令路不失道卧不閉門民歌之曰王稚子世未有平徭
役百姓喜達兗州刺史部中清肅清微拜侍御史洛陽
令聰明忠斷公平廉正抑強扶弱化行不犯發奸擿伏
惠若有神京華密靜雄豪畏敬元興元年卒百姓痛哭
二縣而喪行人商旅莫不祭之賈胡左戚遣其清理制
服三年洛陽弦歌之為立祠天子悼惜每下詔書德令
必賜後嗣與卓茂等為伍

敬伯愷悌樹德播惠

王堂字敬伯郪人也初臨巴郡進

賢達士舉孝子嚴永隱士黃錯及張瑞陳冕民為立祠

徙任右扶風政教嚴明帝舅車騎將軍閻顥大將軍寶

憲中常侍江京等囑託輒拒之白鹿見象不以為祥徙

魯相又徙汝南守舉陳蕃為功曹應辟

廖引後漢書堂傳云委功曹陳

蕃又云任主簿應辟此應辟下當有脫文司隸校尉號知人之鑑

叔宰濟濟以禮進退

馮穎字叔宰郪人也少師事楊仲

桓及蜀郡張光超後又事東平虞叔雅初為謁者威儀

濟濟為成都令遷萬越萬太守所在著稱為深莫所不

善莫風州追之隱居作易章句及刺奮說脩黃老恬然
終日

大匠奇暢妙監元察盡言世規祇以隕越 聰諸字子超
雖人也少事段礪以明天官為侍中尚書常見太史令
孫懿敷歎欷涕泣曰圖書有賊臣孫登將以才智為黃
門開路君表相應之是以悽愴後為京兆尹光祿大夫
將作大匠上言漢四百年當有弱主閉門聽政數在三
百年之間為故太尉龐參故司徒李邵明通三才忠正
可以輔世所言每指刺疾權貴証醜及尚書令高堂芝

文擣免死者援神契經說卒家

司隸聰敏奮名後葉 郭賀字喬卿臨人也初為太守黃

幸戶曹幸有事於興漢中太守李榮俱被檄賀勑等星

行詣詔獄自歸得免榮稽畱詔殺之由是顯名太守蔡

茂命為主簿茂夢坐殿極此二字原誤作太極殿三字
茂傳注云屋之大者古通呼為殿極殿上得嘉禾三穗

晏也前書音義曰三輔間謂屋梁為極上得嘉禾三穗以問脣對曰明府位當至三公旬月茂遷司徒表賀明

律令稍違侍中尚書僕射司隸校尉荊州刺史百姓歌

之曰厥德仁明郭喬卿此十二字依藝文五十補明帝南巡詩云明

藝文五十補明帝南巡詩云明

帝至南陽巡狩善美治賜三公服去襜露冕使百姓見之以彰

有德

此十七字依藝文補

後河南尹卒天子痛惜賜錢三十萬

鍾葵嗣友惟贊

鍾顥字子誦鄭人也葵弓字子寒

雖人也俱攜手共學冬則侍親春行受業與張霸李邵

張皓陳禪為友其師司徒魯恭顥又與王稚子同見察

孝於太守陳司空歷豫州刺史光祿大夫侍中衛尉弓

為廬江太守徵拜郎而霸邵皓禪皆至公卿

兩李麗采文藻可觀

李尤字伯仁李勝字茂通雖人也

侍中賈逵尤有相如楊雄之才明帝召

初學記十二書錄五十六

有入作東觀辟雍德陽諸觀賦銘懷成頌百二十銘

著政事論七篇帝善之拜諫大夫

初學記書鈔並云樂遂拜諫大夫

安相後與劉珍共撰漢紀殊充有文才勝為東觀郎著

賦

原誤諫廖

依論頌數十篇

憲父憲車王稚字叔起堂幼子也屢拒孝廉公府十五
辟公車徵及授二千石徵以太常終不詣年八十一卒
門人錄其本行謚曰憲父癸未詔書以安車聘請會已

止

徵君肥遜馮信字季誠鄭人也郡三察孝廉州舉茂才

公府十辟公再車再徵不詣公孫述時託日青侍婢
姦其前陽不覺述卒以年老不出

董任猶志東帛羹羹董扶字茂安任安字定祖絲竹人
也家居授教弟子自遠而至扶初應賢良方正指京師
宰府十辟公車三徵再舉有道為侍中觀漢將亂求為
屬國還蜀安寧孝及茂才公府辟公車徵皆不詣卒布
衣弟子杜徽何宗杜瓊皆名士至卿位

文表汜博提搆士彥王商字文表廣漢人也博學多聞
州牧劉璋辟為治中試守蜀郡太守荊州牧劉表大儒

南陽宋仲子遠慕其名皆與交好許文休稱商中夏王
景興輩也商勸肆攬奇拔雋甚善匡扶薦致名士安漢
趙建及陳實咸先塾江龔楊趙敏黎景閔中王滄江州
孟龍皆至州右職郡守又為嚴李立祠正諸祀典在官
一十年而卒

趙類拔孝質惟世信劉寵字世信潁川人也出自孤微
以明公羊春秋上計闕下見除成都令政教明肅時諸
縣多難治乃換寵為郫令又換都安漢皆垂績還在茂
都達祥柯太守初來一馬之官布衣蔬食儉以為數居

郡九年來之而遷史人為之立銘王商陳實當世貴士皆與為友

節英亢烈仰訴鼎臣段恭字節英臨邑人也少周流七十餘郡求師受學經三十年凡事馮翊駱異孫泰山彥之章渤海紀叔陽遂明天志二卷東平康叔雅學絕高當世遂過於蜀恭以朋友禮待之後為上計掾會有司劾太尉屬參兼舉或才孝廉參性忠正亮直為貴戚所撻以恚發病速近相冤恭不能耐其枉疏表參忠直不當以讒使傷歟忠正帝憤即日召西曹掾問疾桑牛酒

慰勞參述

士遊孝滿感物悟神 姜詩字士遊 雄人也 爭母至孝 母欲江水及經魚鱠又不能獨食須鄰母共之詩常供備子溺汲汎溺死祕書道學不使母知於是涌泉出於舍側有江水之香朝朝出鮆魚二頭供二母之膳其泉灌田六頃施及比鄰公孫達平後東精為戲掠害不敢入詩里時大荒飢精麩米肉與詩詩理之永平三年察孝廉明帝詔曰書鈔七牛凡有今字大孝入朝孝廉一切皆平之古鈔云諸孝一切皆平也除江陽符長所居鄉皆為之立祠

少林陰德陽報是報

王忬字少林新都人也游學京師

見客舍有一書生因病忬隱視奄忽便絕有金十斤忬以一斤買棺木尤斤還要下葬埋之後為大度亭長大馬一匹來入亭中又有繡被一領飛墮其前人莫識者郡縣以界忬後來馬到雄縣馬牽忬入他舍主人問忬所由得馬忬具說其狀并及繡被主及人悵然曰卿何陰德而致此忬說者埋書生事主人驚曰是武子也姓金名彥卿乃葬之不報天彰卿德辟舉茂才除郿令宿棗亭中數有人為鬼所殺忬上樓夜半有女子獨哭曰

妾溶令妻也當之官宿此極為亭長所殺大小二十口
埋在樓下奪政財物也曰汝何故以恒殺人女子曰妾
不得白日惟依夜懇人眠不宵應憲故殺之初來時言
無衣也以衣衣之言訖投衣而去旦召遊徼詰問其服
即收同謀十餘人殺之送溶令喪還鄉里當世稱之
仲魚謙冲 羊眷字仲魚鄆人也父為交州刺史卒官眷
迎喪不敢取官舍一物郡三察孝廉公府辟州別駕皆
不應太守尹奉棄刑名行禮樂請為功曹刺史必破借
眷自知不得已為別駕後為太守孫寶舉茂殺誤曹功

當當欲渡津津吏游停車待之三日將宿中亭中有縣
吏引車避之為野王令

雲卿安貧 朱金字雲卿什都人也

藝文八術覽一百四有少字

學於蜀郡張寶蒼立

藝文御覽並立眉

飲水以誦誦同業憐

其貧資給米肉甚又

御覽

終不受著河洛解家貧恆以

步行為郡功曹每察孝廉益疎疎諸公府試不就州辟

治中從事以誠詠自然

伯式元熙 折像字伯式雄人也其先張江為武威太守
封南陽折侯因氏焉父國為舞林太守家實二德故奴

婢八百人盡散以施宗族鄰聽親舊葬死而喪事未平
虞叔雅以道教授門人朋友自遠而至時人為謗曰折
氏家誰朱雲卿授段節英中有個子趙仲平但說天文

論五經

孟宗嘗仁 杜真字孟宗縣竹人誦書百萬言兄事翟酺
酺先復尚書令與司隸校尉枉勑之復徵詣獄真上帝
章赦之受掠笞六百獄中明酺無事京師壯之以漢道
微散財施宗族不應公府辟命及辟長吏候迎每交於
門乃斷髮以自絕

味道好施清風邁倫
讚仲魚以下也

漢儒請雨精感慶雲

諫輔御覽五百字

作染

甘宇漢儒新都人

為郡五官掾時天大旱請雨不降輔出禱祈乃橫斬祝

神曰二日

此二字依御覽補不雨則欲自焚為貪叨吏謝罪百

姓言終暴而

韓揆義烈

韓揆字伯彥綿竹人也為今騎喪主簿值黃巾賊入界扶喪走入草中喪遣求隱翳處未還喪為賊

所得見害揆墮殮葬埋訖詣從事曾龍求兵討賊賊破
曰本報今君而苟自活非忠乃自殺

喬雲易安 左喬雲綵竹人也 少為左通所養為子通坐任徒徒逃吏欲破通臍通無壯子故為吏所侵喬雲時年十三喟然憤怒以銳刀殺吏解通走將令出追初聞以為壯士及知是小兒為之流涕

楊寬叔烈揚友人 宽字叔仲新都人也 父斌叔今萬世太守被祖以忠義壯聞寬為郡吏鄉人馬閔章吉太守立方寬與兄皆詣獄據之得理後方害連南郡閔復章之寬乃發閭賄私事閔伏罪友人汝鋗為張朋所殺寬怒縛明送鋗家使自謝之地

寘叔報仇 寘叔字茂泰廣漢人也與友人張昌共受業
太學昌為河南大豪昌條所殺叔殺條自拘河南獄順
帝義而赦之

張復師僻 張鉗字子安廣漢人也師事樊為謝哀哀死
負土成墳三年哀子為人所殺鉗復其僻自拘武陽獄
會赦免當世義之

賈為士死分倅廩朱 賈相字元集什邡人也雄孟伯元
為父復僻聞相名往投之雄縣追伯元蹤相歎曰士以
義遺我生可倍感故雄縣有說云當天必移什邡而威君乃

自殺李勝言

唐云當作林

之以方處卿魯之朱家

郭玉通直

唐云當作林

益亦所得

郭玉守道直

唐云當行三字後漢書五

傅幹字可堪

新都人也

明方術伎妙用針作經方頌說言至

太醫承

原衍校尉二字

廖依模漢書列

吳道淵字子章舍章夫朗翠采觀國之光

秦宓字子勑

隸竹人也初隱遁不應州郡之命丞相亮領益州牧選

為別駕中郎將吳使張溫將反令亮率百官餞之溫與

宓語答問若響應聲辭義雅美溫大故服以為蜀之有

宓猶當有仲尼也達長水校尉司農宓甚有道理弟子

誰周其傳其業

李王四子竝作琳瑯 李朝字永南弟邵字慎南鄆人也
王士字義強從弟甫字國山文表諸弟也先主領牧朝
為別駕羣下上先主為漢中王其文朝所造也有脫文
復承相亮府辟西曹掾亦有文才兄弟三人號三龍士
歷宕渠犍為益州太守甫善言議人流美稱自給竹令
為州右職

優游客與特進太常 韓承字公文鄆人也歷郡守州右
職為少府太常時費長史秉政孟光來敏皆棲遲承以和

獨立特進之也

從事烈至諫君劍首 王累新都人也州牧璋從別駕張
松計違法正迎先主主薄黃權諫不納累為從事以諫
不入乃自刎州門以明不可

鄭度進規忠謀莫受雖云天時抑由人咎 度綠竹人也
先主自葭萌南攻說牧璋曰左將軍懸軍襲我野穀是
資急驅巴西梓潼民由涪水以南一切燒除野穀固且
待之彼請戰不許久無所資不過百日必當面縛先主
聞而惡之璋不納言雖在天亦由璋之愚

永年質才自喪世主 彭羕字永年廣漢人有俊才劉璋時坐事為徒及先主入自託龐統為州右職失主意左連江陽太守羕望諸葛亮以為心大志廣難可保勸先主因事誅之

漢南叟陳天奪其守 李邈字漢南邵兄也牧璋時為牛群長先主領牧為從事正旦命行酒得邈見讓先主曰振威以將軍宗室肺腑委以討賊元功未効先寇而滅邈以將軍之取鄧州甚為不宜也先主曰知其不宜何以不助之邈曰匪不敢也力不足耳有司將殺之諸葛

亮為諸將免久之為犍為太守丞相參軍安漢將軍建
興六年亮西征馬謖在前敗績此二字依蜀志
楊戩傳注補亮將殺

之邈諫以秦故孟明用霸西秦滅楚誅子玉二世不競
失亮意還蜀十三年亮卒後主素服發哀三日邈上疏

曰呂祿霍禹未必懷反叛之心孝宣不好為殺臣之君

直以臣擢其偏主畏其威故姦萌生亮身杖強兵狼顧
虎視原誤臣依注法政丘大不在邊臣常危之今亮殞歿蓋宗
族得全西戎靜息大小為慶後主怒下獄殺之

說說彥造或者或友昭德音芳垂名厥後總讚此四十

六人也

述廣漢人士

任母治內子成名賢 任安母姚氏也雅移閨門早寡立義資安遂事大儒安教授每為賑卹其弟子以慰勉其志於是安之門生益盈門

龐行養姑婦師之先 龐行姜詩妻也事姑晝夜紡績以給供養子汲江溺水死祕言遣詣學常作冬夏衣投水中端託言寄與子詩呼妻使為姑春應命遲見遣不敢遠去遊於外供給因鄰母致姑勸還

依依義舊抗疏拜庭誠感世主從女覆刑 義舊狄道長
姜穆女辭竹司馬稚妻也既許婚父坐事徙朔方稚就
婚死雇人送其喪尋父母死朔方義舊獨與弟孤居十
年士大夫求終不肯乃上疏自訟求還鄉里天子愍悼
下朔方使送遂下詔書定律令女子許嫁不得從父母
徙

紀配斷指以章厥貞 紀配廣漢殷氏女廢伯妻也年十
六通伯伯早亡以已有美色處人求已作詩三章自誓
心而求者猶眾父母將許乃斷指明情養子猛終義太

守薛鴻圖象府庭

彭王進城殘體令城 彭非廣漢王輔妻也 王和新都人
便放妻也 李進城鄭人 馮李牢妻也 輔早亡 叔父變改
嫁非乃姑太守五方截髮自誓 故亦早亡 和養孤守義
蜀郡何玉因媒介求之 兄曉喻以公族可憑和憲割其
一耳 李牢亦早亡 父母欲改嫁 進城亦翦髮自誓 各養
子終義

正流自沈玉潔冰清 正流廣漢李元女楊文妻也 適丈
有一男一女而丈沒以織履為業 父欲改嫁乃自沈水

中宗族株之幾死得免太守五方為之圖象

相烏袁婦義不存生 相烏德陽人袁稚妻也十五適稚二十稚亡無子父母欲改嫁之便自殺袁福亦德陽人王上妻也有二子上以喪親過哀死福哀感終身父母欲改嫁乃自殺

汝氏世胄由婦諱柔 汝敦妻某敦兄弟共居有父母時財物五百十七字依御覽此字依御覽心欲得之此字依御覽補妻勸送二兄敦盡讓田宅奴婢與兄自出別居別字依御覽補後敦耕田此字依御覽補得金一器妻復勸送二兄御覽二字亦當改與是上夫

妻共往嫂性慳嗇謂欲借貸甚不悅及見金器此二字依御覽補踴躍欲留之此三字依御覽補兄感悟即出妻讓財還弟弟又不受此二字依御覽補相讓積年後並察孝廉世為冠族

思美媚列媛美嫋惟休 總讚十一人也

述廣漢列女

右廣漢郡士女讚第三

凡五十七人四十六人士十一人女

捷為士女

王廷河平集焉之功 王延世字長叔資中人也建始五

年河決東郡氾濫充豫四郡三十二縣沒官民屋舍四萬所御史大夫尹忠以不憂職致河決自殺漢史案圖緯當有能循禹之功在捷柯之資陽求之正得延世徵拜河隄謁者治河以竹落長四丈大九圍尺小船載小石治之三十六日隄成帝嘉之改年曰河平封延世關內侯拜光祿大夫仍賜黃金百斤

文伯習禮繼武孫道 董鈞字子文伯資中人也少受業於鴻臚王賈永平初議天地宗廟郊祀儀禮鈞與太常定其制又定諸侯王喪禮歷城門校尉五官中郎將以儒

學貴稱繼叔諱通

張公執憲克智克聰極位青紫實作司空。張皓字叔明武陽人也。以文參_{有說文當}聰明辟大將軍掾。達尚書僕射彭城相。追隱士閭邱達等徵拜廷尉。延光三年安帝將廢太子為濟陰王皓與太常桓焉太僕來歷爭之。安帝不許。及安帝崩濟陰得立為順帝。以皓為司空。久之免後徵為廷尉。清河趙騰坐榜訛當誅所引八十餘人皓以胥賢明義爭之。咸稱平當。

子鸞司京裨鼓不鳴。趙衍字子鸞潁濱中人也。初臨甘陵

密農郡甚善治民徵尚書達司隸校尉時梁冀子弟故恣肆以法繩之不敢為非京師肅清將鼓不鳴

益文翹翹平顯有成績云平作丕

楊渙字益文武陽人也以

清秀博雅歷臺郎相稍遠尚書中郎司隸校尉甚有嘉

聲美稱

伯邵正直耀祖揚聲

楊準

參云當作淮下同錄

續引不誤字伯邵漢安

縣人也初為郡守太尉李固薦舉累世忠直拜尚書太

傅陳蕃表為河東人為尚書今奏言治南陽太守曹麻

穎川太守曹勝濟南太守孫訓等子弟依託形勢淫縱

徵廷尉治罪訓梁冀婦家子也於是憚之又薦朱禹盛
精謹延為尚書陸續為郡守皆名士也桓帝即位拜河
南尹遷司隸校尉冀叔父梁忠為執金吾不朝正初勅
奏之朝士服其公亮徙將作大臣

翁君將命迺捨其名 楊莽字翁君武陽人為功曹刺史
王尊當之州移書諸郡不得遣迎惟挺為遣莽蜀郡遣
何霸嚴尊尊大怒莽前對曰使君不使奉迎謙也太守
承迎故也謙敬上下之節不可廢也尊乃欣然請辟別

駕舉茂才官至揚州刺史

奉君避世 費貽字奉君南安人也公孫述時漆身為厲
佯狂避世御覽七百三十九云不肖仕公述破為合浦
守蜀中歌之曰節義至仁費奉君不仕亂世避患若亂
下原行塚不字脩身於蜀紀名亦足後世為大族

任公開明 任永字君業楚道人也長歷數王莽時託青
盲公塚述時累徵不詣子溺井中死見而不言妻淮於
前面而不怪述平乃曰世適平目即清妻自殺光武徵
之以年老不詣卒

叔和順然 杜撫字叔和資中人也少師事薛漢治五經

教授門生千人太守王卿召為功曹司徒辟不

有指云當

及聞公先必往承問東平憲王為驛騎將軍辟西曹掾

後罷為王師在驛騎府者達之數年乃去數應三公徵

撫侍郎故公作詩通議說弟子南陽馮良亦以道學徵

聘

君橋密精 趙松字君橋武陽人為童子數資問費貽及

知其避世密與周旋終不察之也述平舉茂才為上黨

太守

英美四子利於居貞 謂賈貽以下

皇漢弛朝官人失綱文變塞謗表明臧否 張綱字文紀

司空皓子也在朝在下原衍漢字依摩校

公平廉正權宜側目憚

之漢安元年以光祿大夫持節與侍中杜喬循行州郡

考察風俗出宮埋車先奏太尉桓馬司徒劉壽戶祿素

餐不堪其職出城又奏司隸校尉趙峻河南尹操不疑

汝南太守梁乾等賦汚濁亂櫟車送廷尉治罪天子以

乾深冀叔父貶秩免峻等又奏魯相寢儀議自殺威風

大行郡縣莫不肅體還冀恨之出為廣陵太守承叛亂

後懷集撫卹甚有治化在官十年卒當作十子續尚書

續弟方為豫州牧子縣數世至大官

白虜征僭亂離斯圮孝仲摶摶馬社稷是死 朱連字孝
仲武陽人也公孫爵號遵為犍為郡功曹領軍拒戰於
六水門眾少不敢乃埋車輪絆馬必死為遂所殺光武
嘉之追贈復特漢將軍都縣為立祠

廷侯弔深效志知已 趙敦字建侯武陽人也初為新都
令德禮宣流三司及大將軍梁冀累辟終不諾冀辟書
不絕後冀自殺使者監守不使人弔問敦獨往弔祭訖
自拘有司天子赦之

叔通教孝石生江汜 隗相字叔通楚楚道人也養母至
孝母食欲江中正江水相冬夏汲之一朝有橫石生正
流中哀帝世為孝廉平帝時為郎

吳生致養亦感神靈祉 吳順字叔和楚道人也事母至

孝赤鳥巢其門甘露降其戶察孝廉永康昌太守

劉后初載實多良才季休思亮經事能治 楊洪字季休

武陽人也先主領牧為蜀部從事屬依序校改及征漢

中丞相亮表為蜀郡太守先主疾病永安召亮東行漢
嘉太守黃元反後主用其計克元封關內侯後為中郎

將趙騎尉廖云趙騎當作後為忠節將忠清公亮甚信任之
德山耽學道以光時 伍梁字德山南安人也儒學雅尚
州選迎牧諸葛亮為功曾逮五帝中郎將

烈武作合度曠塗夷惜哉公舉帥直陵遲

賈詩字公舉

南安人也先主領牧為前部司馬羣臣勸先主稱尊號
詩上疏曰殿下以曹操父子逼主篡盜故乃羈旅萬里
糾合士衆將以討賊今大敵未克而先自立恐人心疑
惑昔高祖獲子嬰猶尚推讓况未出門便欲自立耶以
是左遷部永昌從事建興三年從丞相亮南征魏將李

鴻來降說魏新城太守孟達欲背魏向蜀亮方北面欲招達為外援欲與書詩進曰孟達小子昔事張威不忠後事先帝背叛反覆之人何足與書也亮嘿然詩終劉氏之世官位不盡其才君子以昭烈之宏曠武侯之明達詩吐直言猶尚陵遲况庸主昏世率意直言而望肆効者哉

文然簡略言不說隨一楊義廖云當作義字文然武陽人也輔漢將軍張裔薦為丞相亮主簿大司馬蔣琬辟東曹掾歷二郡太守為射聲校尉性簡略未曾以甘言加人酒

後言笑多慢詞失大將軍姜維意為維所廢延熙十八年作李漢輔臣讚在蜀書

車騎快快與國安危
張翼字伯恭文紀孫也以文武才幹歷征西鎮南大將軍封亭侯延熙十八年與大將軍姜維西征大破魏雍州刺史王經於狄道經眾死洮水者數萬人維欲進翼諫不可必進無功時維屢出隴西翼常廷爭以為國小不宜藉武必為蛇畫足不聽不得已每怏怏從行景耀元年遷左車騎將軍領冀州刺史蜀平後死

猗猗眾偉芳烈名垂方德動繹勲挺之瓊魂 總讚此二
十一人也

述健為人士

進楊穆穆先姑是憲 進武陽楊氏女大匠廣漢王堂長
子博妻也博後母文有母儀之德進楊則其教為行閨
門雍穆祥柯太守李禕家亦假係每不和向有歎恨徒
富貴學問不及博家也

陽姬御覽五百十作楊姪請父厥族蒙援克諧內愛訓及秀彥
姬武陽人也生自寒微御覽父坐事閼獄楊渙原行始

覽為尚書令郎告歸郡縣敬重之姐為處女乃邀道扣

渙馬訟父罪言亂慷慨涕泣摧感

此二字依御覽補

渙愍之原

謀懇以脫之字告郡縣御覽告作語又為出其父因奇

縣有下有令字

其父為子文方以禮聘之

以禮二字依御覽補

結婚大族二弟得

仕宦遂世為宦門後方文方為漢中太守以趙宣為賢

將察孝廉凶封未定病卒姐祕不發先遣孝廉上道乃

發喪宣得進用姐之力也後方文方兄子伯邵為司隸

校尉時姐長子穎伯冀州刺史仲子穎二千石伯邵以

稟叔母歡迎在官舍每教邵政治伯邵欲舉茂材選有

伯

二人伯邵欲用者嫌以其耄欲舉五方而其年幼以
洛叔母勸舉方後趙宣為綱為五方為廣漢姪尚在故
吏故之四時承問不絕

周度割體與節是全 周度楚道人也相登妻十九登亡
中牟令吳厚因人求之斷髮以誓志後人猶欲求之乃
割其鼻食子卒亡其妻左亦年十九遂俱守義世咸歎
婦姑之貞專其節操也

敬姬沈淵誠烈邈然 曹敬姬南安人也周紀之妻十七
出適十九紀亡遺生子元餘服闋父母以許蔡賓給給

病迎還知之自投水人赴之氣已絕一日一夜乃蘇息
送依紀弟居訓導元餘號為學士年九十卒

貞琰玉操彌久彌烈 貞琰字瓊玉牛鞚程氏女張惟妻
也十九適惟未暮惟亡無子養兄子悅供養舅姑夙夜
不怠資中王沖欲娶琰琰叔父肱答以女志不可奪沖
為太守李嚴督郵嚴記縣遺孝義掾奉羔鴈宣太守命
聘之琰乃自投水救援不死後太守蘇高為立表太守
蜀郡舊校閭造仁恕據論曰貞琰太守章俊劉威又為作
頌故稱述也

韓姜自財后旌其窓 韓姜雙道尹仲讓妻也二十讓亡

服除資中董臺因從事王為表弟求姜不許臺門生左

習王蘇以為姜可奪教姜家言母病迎還韓氏因逼成

婚姜聞故自殺太守巴郡弓楊哀之殺賈蘇以報姜死

謝姬引決同穴齊室源誤定衣席 姬南安人武陽儀成

妻也歲死以己年壯無子將葬乃預作硯塋具毒藥須

夫棺入墓拊棺吞藥而死遂同葬縣以表郡郡吉州州

上尚書天子詔嗟下書每大赦賜家帛四匹蜀穀二石

男原望尚不成字
依廢引身本故

媛姜正婦勉夫濟子授命固圖義踰國士 趙媛姜資中

人盛道妻也建安五年道坐過夫婦閉獄子翔方年五
歲姜謂道曰官有常刑君不得已矣妾在復何益君門
戶君可同翔亡命妾代君死可得繼君宗廟道依達
日姜苦言勸之遂解脫給衣糧使去代為應對度走遠
乃告吏殺之後遇赦父子得還道雖仕宦當世痛感終
不更娶翔亦不仕原衍耳字
麻校州

黃帛求喪沉身中流靈精相感攜夫共浮 黃帛變道人
張貞妻也貞受易於韓子方去家三十里船覆死貞弟

求喪經月不得吊乃自往沒處躬訪不得遂自投水中
大小驚愕積十四日持夫手浮出時人為語曰符有光
給喪道吊求其夫天下無有其偶縣長韓子冉嘉之召
帛子幸之縣股肱

烈哉諸媛節稱義道

原誤遵依校改

讚此九女也

述被為列女

右被為郡士女讚第四

凡三十人二十一人土
九人女

卷十下

此卷原底錄文
不本註

漢中士女

鄭真岳峙雖乎其清

鄭渠泥盤元湛淵亭

鄧公允對忠枉原情

博望致遠西南來庭

子游師生讒乃所傾

王孫養性捨舊屬生

司徒監使術暢思精

屢登上司七政是經

炎精下頽朱明不揚太尉寥落任國救荒濯日陽谷將升
扶桑惡直醜正漢道遂喪

元脩敦重成惠實亮

子雅溫恭見察文方

二珪琬琰三辰懸望 珠始為青州刺史有貴安屬託

珠於廳前置大器盛水發置卷投置水中無有所報

俊梅顧氏云此上二十五字原脫依蘇文五十字

鈔七十二御覽二百五十八參校補正

仲卿報友行義以理

伯度元鏡榮辱胥已

德公在林懸象垂星既沖雲清尚張儀准
伯臺處諱諫師言元盡末命防萌妙都元揆

孟度邵允李子英璣計君經算元靈斐斐

禮高殉名伯義死節四行齊致在茲六子

俊梓廖氏云當作節死誤倒

四行齊致在茲六子元侯趙陳蓋亦烈士

渙渙龍宗振振麟趾文炳彬蔚漢之表軌

述漢中人士

穆姜溫仁化繼為親

泰瑛嚴明世範厥訓

杜氏之教父母是遵

禮旌肅穆言存典誥

文姬獻敵宗祀獲歆

陳氏二謙或智或仁

禮修順姑恩愛溫潤樹南幃夫輕死重信

祈祈令姪如玉如金允矣淑媛齊德美仁

總讚此九

人也

述漢中郡士女

右漢中郡士女譜第五

凡三十四人二十五人
十九人女

梓潼人士

鎮遠義壯立勲南湖巨遊玉碎高風金振

文堅巫哉南面懷民盛國好學研頤聖真

漢伯肆業諸生之純伯禧致志季餘殘身

寇王二子行勇以仁孝助多方以茲立稱

章武之興亦迪才倫德質好古澹心弘藝文

國輔皓然形動神沈思潛游學休忘素林

欽仲朗博訓詁典墳孫德果銳作劉幹臣

衍衍禕彥王潤蘭上分幼名表器江漢之俊

述梓潼人士

李美雍穆化楷二婦王氏世興實由賢母

杜慈專專父不諒只敬楊雪傲壯踰烈士

惟茲三媛仁暢義理邦有斯儕以馳邇紀總鑄三元

述梓潼列女

右梓潼郡士女讚第六

凡士女十八人三十五人

女士

俊樓顧氏云諸書所引士女性氏有不見目錄者
附此

趙閻讀書一見便誦聞人讀書自識章句書針九十八

洛陽慶鴻慷慨好義廉范與為刎頸之交時人稱曰
前有管鮑後有慶鴻

御覽四百九

荀崧小女灌幼有奇節崧為襄城太守為杜曾所
圍力弱食盡欲投於故吏平南將軍石覽計無所
出灌時年十三乃率勇士數十人踰城突圍夜出

賊追甚急灌督屬將士且戰且前後得入魯陽山獲免得向覽乞師又為崧書與南中郎將周訪仍結兄弟訪即遣子撫率三千人會石頭見俱救崧賊聞兵至散走灌之力也

御覽五
百十九

王廣女美姿容性慷慨有丈夫之節廣仕劉聰為西揚州刺史蠻梅芳攻陷揚州廣被殺女年十五芳納之於閨室中擊芳不中芳曰何故反女曰蠻畜我誅父賊吾聞之父雖不目天母憚不同地汝遂害人父母從以無禮凌人吾所以不死者欲誅汝爾所恨不得枭汝

首於通衢以塞大恥乃自殺

同上

俊柏右從武陵山人遺書輯錄

華陽國志佚文

趙孟字長舒補尚書都令史善清談有風士風而有疵點
曹事不決孟一言乃定時人語曰事有變問疵面詩紀補

右從杜氏古謨詼輯錄

華陽國志佚文補遺

皆常璩撰

張翁子陽巴郡人為平陰郡布衣蔬食儉以化民自乘二馬之官久之一馬死一馬病翁剗曰吾將步行矣更漢甚安其惠愛在官十九年卒百姓詭慕送葬者千數天子嗟歎賜錢十萬為立祠堂後太守數煩擾吏人叛亂翁子端方察孝廉天子起家再越焉太守迎者如雲

御覽六十

後按今本卷三趙奮郡上脫一葉僅存九字括勞

書
補



俊按容齋五筆

五筆引風俗敍希姓合浦太守虎旗上郡太守郎杜
河內太守遇沖北平太守賤璫東平太守劉質沐寵
北平太守卑躬雁門太守宿詳五原太守督墳汝原
太守謁渙九江太守荆修東海太守鄭熙弘農太守
翟良南郡太守為昆酒泉太守賴暢北海太守麻興
巴郡太守鹿旗涿郡太守作顯廬江太守荀遷交趾
太守賴先外黃令集一洛陽令諸於單父令即荀烏
傷令昔登山陽令職洪高太守用蚪此二十君子皆

是郡守縣令惟移良之名曾見於史耳

孫云三筆別有漢人希性

一
木細檢
方叔

又按周易卷述洪曰

述曰今所傳風俗通十秦氏姓篇亡矣然諸書所引應氏遺編尚多帝聞者則有漢太尉超喜丞相史良都澤梁僕多尚書令鞠諱太子少傅瓶守侍中耦嘉鈞喜聊倉太鴻臚招猛光祿勳弓社少府中京治書御史諫忠諫議大夫塗惲毅仁詹事滑與長史真祐司空史御長卿司徒掾府哩騎都尉神曜度達將軍采皓蜀郡都尉十獻上黨都尉露平趙相行祐兗州刺史過衍一作過胡幽州刺史芳來冀州刺史巫捷

交趾刺史值尹越雋太史狀糧漢中太守抗喜南陽
太守瞿茂九江太守旗光西河太守垣恭豫章太守
馮熙南郡太守繼祐太原太守委進常山太守屯莫
如陳郡太守沐寵孫云五筆刺令家羨中牟令池瓊
梁令鄧風武陽令會栩羸長根宗博士食子公沛上
計三烏羣不知景盧何以不敶然漢書西南夷傳有
越雋太守狀糧蓋即牧糧之謠乎